



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Evangelistarivm M. Maruli Spalaten. opus vere
euangelicum, sub fidei, spei & charitatis titulis in septem
libros partitum**

Marulić, Marko

Coloniæ, 1532

VD16 M 1298

De animi fortitudine. cap. 14.

urn:nbn:de:hbz:466:1-35578

cras deterior quā hodie sit. Nos ergo ne quādo ad eius tā
damnosam animi mobilitatem, tam periculi plenam de-
clinemus, discamus post constantiam etiam fortes esse
Et iam de ipsa fortitudinis virtute, put nobis diuinus
euangelij sermo suggerit, disseramus.

¶ De animi fortitudine. Ca. XIII.

Fortis animo is est, qui nulli rerum fragilitū cupi-
dini succumbit, & neq; aduersitatibus frangitur,
neq; prosperitatibus insolescit; cælestibus tantū-
modo bonis adipiscendis inhiat, cætera contemnit.
Fortis est igitur qui vincit auaritiam, & audit domi-
num dicentem: Cauete ab omni auaritia, quia non in
abūdantia cuiusquā vita eius ex ijs quæ possidet. Supe-
rata autem auaritia, ad munificentiam liberalitatem-
que se confert: & ea quæ habet, indigentibus dilargi-
tur, dum ad perfectioris vitæ sublimitatem ascende-
re festinat, iuxta illud saluatoris dictum: Si vis perfe-
ctus esse, vade & vende omnia quæ habes, & da paupe-
ribus, & habebis thesaurum in cælo, & veni, sequere
me. Non erat perfectio contemnere diuitias, nisi addi-
disset dominus, veni sequere me. Omnibus abundare
virtutibus quærit, qui Christū imitari decernit. Chri-
sti enim imitator quam primum veterem exiit hoīem
& induit nouum, superbiam mutat humilitate, iracun-
diam lenitate, incontinentiam castitate, & breuiter
vitium virtute. Atq; ita malarum passionum victor ef-
ficatur, cum ad diuersas ab his actiones animum con-
uertere cœperit. In his deinde confirmatus omnes præ-
sentium tribulationum ictus excipit clypeo patientiæ,
de omnibus deo gratias agens, minusque se pati con-
fitens, quam peccata sua mereatur. Hoc est illud quod
præcipit dominus, & ait: Qui vult venire post me ab-
neget semetipsum, & tollat crucem suam, & sequatur
me. Ac ne quis crucis nomine, quod dura aspera que si-
gnificat, turbetur, discipulos suos consolatus est, di-
cens: In mundo pressuram habebitis, sed confidite, ego
vici mundum, quasi diceret: Sicut ego propria virtu-

Luc. 12

Matth. 19.

Matth. 17.

Iohan. 16.

te calcavi mundi huius æumnas, ita & vobis vincendi facultatem cōferam, vt per me mala omnia magno animo perferendo, illis omnibus fortiores potentioresq; sitis, tantum non in vobis sed in me spem fidutiā que habeatis. Hunc præterea fortis animi viri, Christiꝝ domini sectatorem, quemadmodum aduersa non deſciunt, ita nec secunda arroganter erigunt. Frustra enim in aduersis vinceret, si in prosperis per inanis gloria appetentiam superaretur. Itaq; in dignitate constitutus non sibi blanditur, sed alijs prodesse affectat, nec tam præpositum se esse meminit, quam eorum quibus præest ministrum, a domino admonitus dicente: **Matth. 10.** Quicumq; voluerit inter vos maior fieri, sit vester minister: & qui voluerit inter vos primus esse, erit vester seruus, sicut filius hominis non venit ministrari, sed ministrare, & dare animam suam redemptionem pro multis. Præstantis autem ac strenui animi est, dominandi cupidinem, quæ sæpe robustissimos vicit, superare, ipsamq; regum pompam & principum luxuriā pro nihilo ducere, atq; in omnibus cum Christo humiliari. Quid enim esse potest maius Christo? qui eiuscemodi humilitatem sic in se commendauit, vt dei filius non dedignaretur esse hominis filius, & formam serui assumere, cum esset omnium dominus. Deniq; fugisse dicitur in euangelio, cum eum regem facere vellēt. **Iohā. 18.** Et non est regnum meum de hoc mundo inquit, vt suo exemplo non in terra regnare, sed in cælo desideremus. Vnde & mercedem humilitatis, & non humilitatis pœnam proposuit, dicens: Qui se humiliat, exaltabitur: & qui se exaltat, humiliabitur. Ad hanc animi fortitudinem pertinet, ipsam etiam, quam præcipue vulgus formidat, mortem contemnerē: nec vllō supplicij genere sic terreri, vt a bono honestoq; discedas. **Matth. 10** Nolite timere eos (inquit) qui occidunt corpus, animam autem non possunt occidere, sed potius eum timete, qui potest corpus & animam perdere in gehennam. Si ergo casus inciderit, vt aut moriendum sit, aut peccandum, eligatur potius mors corporis quam animæ,

mors enim animæ peccatum est. Quod si metu mortis perculsus, vitæ fragili & velis nolis cito perituræ tunc peperceris, illam stabilem & immortalem, qua sancti fruuntur, amittes. Ait enim: Qui voluerit animam suam saluam facere, perdet eam. Nam si quis peccare mauult quam mori, hic sibi viuet, & deo morietur. Deo autem mori, est in inferni barathrum ruere, & nullum cum ijs qui vere viuunt habere consortium. Sequitur: Et qui perdidit animam suam propter me, inueniet eam. Sed ne forte dubius & incertus quæras, quo locorum inueniet eam, ait: Vbi ego sum, illic & minister meus erit. Quid autem illo homine felicius, qui merebitur esse socius Christi? Sed si cū illo simul viuere volumus, mundo moriamur nullum recusantes, quo deo gratificari possimus laborem, nulli cedentes aduersantibus persecutioni. Nam dum tyrannus minatur necem, Christus aperit paradysum; dum homo impius tormentis cruciat, clemens deus refrigerij sempiterni sedem constanter tolerantibus parat, præmiique magnitudine tanto ampliat magis, quanto grauius pro amore suo affligimur, si tamen vindictam in eos qui affligunt, non appetimus, sed e contrario bene illis facimus beneque optamus, a quibus male accipimur, dicente domino: Diligite inimicos vestros, & benefacite ijs qui oderunt vos, & orate pro persequentibus vos. Hoc prior præstitit ipse qui præcepit, deinde serui eius, qui suis persecutoribus monstrabant viam salutis, & a quibus tormenta patiebantur, eis ignosci orabant. Proprium itaque Christianæ fortitudinis est se ipsum vincere, & affectibus contra rationem nitentibus imperare, nec carni, sed spiritui obedire, ipsumque dominum pro viribus imitari, eique sese quam simillimum reddere. Sed iam fortitudine contrariam pusilli animi imbecillitatem in medium proferamus. Fit enim vt magis elucescat virtus ex comparatione vitiorum.

Iohan. 12

Mat. 5.